

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第五九九號

浙江省

孝豐縣志


據

清·劉濬等修，陳漳辛補跋
清光緒二年修，二十九年補刊本

影印

431/14

成文出版社有限公司印行



10098324

中國方志叢書·華中地方·第五九九號

據

清·劉濬等修，陳漳辛補跋
清光緒二年修，二十九年補刊本

影印

浙江省

孝豐縣志



成文出版社有限公司印行



10098352

中國方志叢書·華中地方·第五九九號


據

清·劉濬等修，陳漳辛補跋
清光緒二年修，二十九年補刊本

影印

浙江省

孝豐縣志



552/14

成文出版社有限公司印行



10098351

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第五九九號

據

清·劉濬等修，陳滄辛補跋
清光緒二年修，二十九年補刊本

影印

浙江省

孝豐縣志

(四)

成文出版社有限公司印行



10098357

中華民國七十二年三月臺一版

孝豐縣志

共四冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市 大理街 145 號

新聞局出版登記證：局版台業字第二四三號

孝 豔 豆 縣 志

同治十二年二月興
脩光緒三年十一月
開雕五年四月工竣

重脩孝豐縣志序

孝豐秦故鄣地明以前屬安吉至宏治間始分設縣治天目峙其南苕水遶其北關隘踞獨松鐵嶺之險物產沃糞桑竹木之饒去習民風猶為近古壬申歲余來宰是邑地瘠兵燹滿目瘡痍田畝半就荒蕪流

由多未復廣為招集滋其利源興廢振
墮於鳥匪易而數年來經營草創不憚辛
勞如築隍浚池脩學建署以及橋梁道路
育嬰養濟凡一切有益地方而便於民者
業已次第舉行規模粗具而惟脩志一役
竊有志而未逮也會大憲有檄各屬脩



郡縣志之令遂與邑之人悉意講求留心
採訪而故老者民無一存者僅得康熙癸
丑邑令羅君纂脩舊志事成促迫簡畧殊
多而又時隔二百年滄桑陵谷今昔懸殊
賦役戶口增損或異與夫忠孝節義題詠
著述歲有其事地有其人又不知凡幾矣

覽災祥致治之要務事苟有係乎政教書
必務致其慎詳庶

興朝文獻不同杞宋之無徵而下邑人文足
備輶軒之採擇惟願後之守斯土者踵而
增脩之不負 大憲孜孜求治之意而於
風俗人心有裨益也志創脩於甲戌仲秋

閱五載而成其分脩諸君子姓氏具列於
左以誌不忘是為序

光緒三年歲次丁丑七月知孝豐縣知縣
大興劉濬謹序并書

孝豐縣志舊序

原序

陸 崑 明監察御史歸安人


古列國皆有史自秦罷侯置守郡邑有志即國之史防於禹
 貢備於職方氏凡分野形勝公府建置吏治民風物產悉載
 焉所以存故實昭勸戒乃政務所先而弗可緩者然非深達
 治體優於崇政豈逮及是耶吳興郡始三國時為江左文獻
 之地歷漢唐宋沿革靡常入皇明循元之舊惟改長興州為
 邑暨轄歸安烏程德清武康安吉而安吉之邑與長興壤地
 相接僻處西南盤據天目九龍諸山獨松石虎諸嶺遶遠公
 府鄙野難理緩則弛急則變其膏腴山林之利併入家石武

斷鄉曲而賦役獄訟反在所後永樂正統山寇吳梅二姓嘯聚至勒王師討平成化末邵守王公珣乃建議割長興晏子鄉二鄉附安吉而以安吉孝豐等上九鄉自爲一邑但公府經始城池未備民居鮮少吏治苟簡湯許二寇復槃牙其間乃請兵戡定於時撫按藩臬深以令長爲艱自諸鈐司遴選泰和郭君治嘉靖癸未夏蒞任不鄙夷其民清嚴律已而濟以勤敏朞年百務就緒井里改觀文教聿興人才聯第與上邑抗衡仕優之暇定爲義例屬學諭陳君表采輯成志取其覈而信及係事體之大者若諸仙釋奇怪無補於政者畧之大率惟一統志遵時制也間示諸序其端予嘗慨吳興名郡

惟志載舛遺議欲纂修而未遑以名宦人物尤在所先肆輯
爲名賢錄庸備考訂邇德清方尹日乾編纂成志予喜鄰邑
之得人茲覩此編又附名永久豈非幸歟雖然事之成否顯
晦固自有時其實則在乎人焉耳斯邑士民因文獻之足徵
尙其體賢尹之用心勉修行業保族宜家求無負於聖朝休
養生息之恩庶亦有光於斯誌哉郭君字昌修號中洲英俊
之才該博之學弱冠以詩經魁江右故爲政知所先務如此

docsriver 文川网
入驻商家 古籍书城

在文川网搜索古籍书城 获取更多电子书



重修序

黃朝選

湖以西列郡三而湖當震澤之衝湖之屬有七而孝豐踞天
目之勝舊爲安吉縣西南隅以其地林篁僻遠易服難馴事
多阻格刺史以白之三臺使臣請自縣治而南數十里許更
爲邑安吉爲州疏上得報可遂斬蓬藿而巋然邑則弘治之
改元始矣邑志則編於嘉靖初郭令草昧創定謀野之裨謀
而已去今八十餘禩而山川之所葱鬱人文之所濬發併麗
譙雉堞之所新而滄桑之所變月改盼而歲煜其華儻因仍
前志罔所增緝令芳踪奇軌湮沒於崗嵐嶂煙甚非周官圖
職方輿經野體國意也余承乏茲邑退食之餘與邑博王君

鑄江禮天爵張君子思定爲條例以屬諸生吳宗相王用卿
王紹通周維新等共彙次之其類方輿則地圖至風俗爲條
六類建置則公署至亭榭爲條十五類食貨則戶口至土產
爲條四類職官則縣令至名宦爲條十一類選舉則薦辟至
封蔭爲條七類人物則鄉賢至仙釋爲條七類災祥則災異
祥瑞爲條二類旁覽則古蹟至寺觀爲條三類藝文則御製
至詩賦爲條四總其帙凡二卷梓成而屬序於余余輯是書
幸其華不蔓核不佻簡不瀟一寓目而三才大猷彬彬眉睫
甯敢以狐左之管俾葢爾邑徵文獻哉遂不辭而序其略如
此萬曆壬寅季秋望日知孝豐縣事金谿黃朝選撰

重修序

王宏仁

今天下車書一統矣

詔令溥海郡縣通修志書甚盛典也西蜀羅君以甲午名雋爲
豐邑宰爰輯舊志而更新之書成余覽竟而思邑之有志與
國之有史一也史關天下之大志備郡縣之詳其義例紀載
良非漫然無所稽考治理於是乎備風教於是乎維取一時
紀述者之心合之百千萬輿人之心以通於

朝廷教養百姓之心無不源流畢貫焉雖一事一節之微必非
無故而存一民一物之細必俟徵實而見故其書足以論定
於當時而傳信於後世俾夫展卷者如身履其地而知人民

之何以輯柔也風俗之何以敦厚也山川險阻之何以控制也財賦生息之何以饒裕也往古來今之治否得失何以相尋也職官賢否之何以昭勸誡也以閱者之心通之紀述者之心於以施之治理播之風教卽此書而具不必遠覽冥搜已然則義例紀載洵豈漫然無所稽攷者哉因思不裕經世理物之量不能成經世理物之書羅君雖在百里而治行殊自軒軒日上卽所紀不過二百餘年之事而其爲文之核而信簡而該允有益於治理有裨於風教余得藉手以成吳興之盛事噫嘻抑何幸歟遂援筆而爲之弁其首時

皇清康熙十二年癸丑孟夏月朔旦中憲大夫知湖州府事加

四級王宏仁題

重修序

羅爲廣

志非史也而同於史載筆而書大義炳如春秋之別於晉楚
史且進而爲經志豈易言哉然有是邑卽不可無是志山川
疆域戶口財賦以至守令政績忠孝節義不可泯沒卽古今
題詠紀述有關於世者亦必搜輯而備載之登風俗之良書
而上之

天府官茲土者不能已已況

聖天子在御方輿內外車書輯一下令郡縣編纂成書用資採
覽不揣鄙陋方以前志闕略正在修輯而頃又奉檄刻期竣
事雖杼軸不敢匠心而訪求邈難遐索蓋邑建自勝國而山

川如故沿革猶新前此豈乏紀載然法不得書卽近今分壤而治與舊隸不同亦例不得書故豐之可載者斷自弘治丙申後距今二百餘年事蹟而已而邑之有志肇自郭泰和繼於黃金谿迄今七十二年遺文佚事闕略實多自非延訪參訂豈易周悉爰請明經張進玉萃亨王恪文學王美中王雲蒸章雲初等分類旁搜補掇成編述舊章以徵信遵

時制以更新於前無所遺於後爲可久敘略倣之年表名賢表之論定紀災祥以示修省收詩賦以備採風其書告竣余反覆閱之雖於南荆遺牒愧乏博綜要於東魯刑書嚴求簡核較之前志可謂得其體要矣蓋景高山之秀者天目雙清

滙江澗之流者董源分衍溪山韞異名碩流輝前有聞人後
多紹述方來未艾自應改觀覽斯志者不下堂階可以得治
理之先資矣然余有言者前志所載無論矣近今遺愛在人
三代直道尙未泯也人心猶爲近古不大可見歟司牧者其
何以副斯民而無愧哉余方以自矢而又將以此書爲後人
金鑑也時

皇清康熙十二年歲次癸丑春王正月穀日知孝豐縣事蜀南
堯羅爲廢題

三
皇
集
卷
一
月

孝豐縣志後序

李煥文

今天下郡縣志各用纂輯彙成大一統書垂之無窮甚盛事也
兼典豐庠六載會遷麗水諭將去西谿羅父母留以監督志局
不獲辭三閱月而書成遂謂余不可無所識竊以邑有志猶國
有史史擅三長辭兼體要維志亦然故君子難之在載筆者以
道爲衡以義爲斷千載微文炳如星日則山川靈秀旣發光華
而人文事蹟不嫌揚挖典則攸存故行焉而不窮體裁旣得亦
言焉而不疚將於此徵文而文足徵於此考獻而獻可考天下
信之百世傳之實在此矣俟以劍南理學名儒來蒞茲土初至
崇儒術惠災黎其政績將上達

docsriver 文川网
入驻商家 古籍书城

在文川网搜索古籍书城 获取更多电子书

楓宸紀文彤史矣故其董率羣英刻期編纂衷前志以徵信而
補所未備其文倍加簡嚴凡所登記巨細精詳道藉以明義由
以立雖豐邑建自勝國歷紀不過二百餘年而人文事蹟就所
樹立敘次分明其文直其事核不虛美不徇物謂之實錄豈不
信然其間采輯成書者則有明經張蓮文學王美中實身其事
焉余得藉手告成廁名簡末以垂不朽皆羅父母之所賜哉余
將之麗水瀕行之日敬附數言於後是爲敘康熙十二年癸丑
春仲古虞李煥文序

郡邑之有志所以考方輿記風土倣漢班固地里志而踵之以成書者也明憲廟時詔儒臣修一統志稱全書焉自是厥後建置不一損益因革詳略或殊其間名宦人物暨謠俗盛衰阨塞要害使無以紀之其何以網羅舊聞作鑒方來乎今

上御極之十有二年適當車書輯壹玉帛來朝之會天下郡縣咸集成書而獻之用以備采風資政治非偶然也豐初無志草創於郭繼修於黃距今七十有二載故老耆舊無一存者訪求散軼衰緝惟艱邑侯羅令君集二三同人互相商榷仍前志類纂復廣所未備次爲十卷越三月告成草凡三易手爲論定者